

- (6) Komisija donosi Poslovnik o radu kojim utvrđuje proceduru sazivanja i rada Komisije, kao i način odlučivanja, na koji prethodnu saglasnost daje nadležni ministar zdravstva.
- (7) Administrativne i stručne poslove za Komisiju obavlja stručna služba nadležnog ministarstva zdravstva.
- (8) Odredbe stava (3) ovog člana shodno se primjenjuju i na uposlenike stručnih službi nadležnog ministarstva zdravstva koji obavljaju administrativne i stručne poslove za Komisiju."

Član 5.

Ovaj pravilnik stupa na snagu osmog dana od dana objavljivanja u "Službenim novinama Federacije BiH".

Po ovlaštenju
Vlade Federacije BiH
Premijer
Fadil Novalić, s. r.

Broj 05-02-4998-1/22
30. augusta 2022. godine
Sarajevo

Na temelju članka 5. stavak (5), a u svezi sa člankom 16. alineja 1. Zakona o lijekovima ("Službene novine Federacije BiH", broj 109/12), federalni ministar zdravstva, donosi

PRAVILNIK

O IZMJENAMA I DOPUNI PRAVILNIKA O BLIŽIM KRITERIJIMA ZA IZBOR LIJEKOVA, POSTUPKU I NAČINU IZRADE LISTI LIJEKOVA U FEDERACIJI BOSNE I HERCEGOVINE, NAČINU STAVLJANJA I SKIDANJA LIJEKOVA SA LISTI LIJEKOVA, OBEZVAMA MINISTARSTAVA ZDRAVSTVA, ZAVODA ZDRAVSTVENOG OSIGURANJA, TE PROIZVOĐAČA I PROMETNIKA LIJEKOVA UVRŠTENIH NA LISTE LIJEKOVA, KAO I KORIŠTENJE LIJEKOVA

Članak 1.

U Pravilniku o bližim kriterijima za izbor lijekova, postupku i načinu izrade listi lijekova u Federaciji Bosne i Hercegovine, načinu stavljanja i skidanja lijekova sa listi lijekova, obvezama ministarstava zdravstva, zavoda zdravstvenog osiguranja, te proizvođača i promotnika lijekova uvrštenih na liste lijekova, kao i korištenje lijekova ("Službene novine Federacije BiH", br. 45/13 i 7/19 - u daljnjem tekstu: Pravilnik), članak 7. mijenja se i glasi:

"Članak 7.

- (1) Lista lijekova obveznog zdravstvenog osiguranja Federacije Bosne i Hercegovine sadržava i cijene lijekova koje se izračunavaju sukladno državnim maksimalnim veleprodajnim cijenama lijekova utvrđenim u Godišnjem izračunu lijekova za kalendarsku godinu, objavljenim od strane Agencije u smislu odredbi Državnog Pravilnika o cijenama lijekova, i to na načelu najniže proizvođačke cijene lijeka za isti generički naziv lijeka, oblik, jačinu i originalno pakiranje lijeka.
- (2) Iznimno od stavka (1) ovog članka, u slučaju poremećaja u dostupnosti lijeka, na zahtjev proizvođača lijeka, odnosno nositelja dozvole za stavljanje lijeka u promet ili Ministarstva obavljaju se pregovori o cijenama lijekova s ciljem utvrđivanja cijene lijeka po kojoj dostupnost lijeka neće biti ugrožena. Utvrđena cijena lijeka ne smije biti viša od državne maksimalne veleprodajne cijene lijeka za lijek o kojem se obavljaju pregovori.
- (3) Cijene lijekova utvrđene na Listi lijekova obveznog zdravstvenog osiguranja Federacije Bosne i Hercegovine ne mogu biti više od maksimalnih veleprodajnih cijena lijekova u BiH, te se redovito usuglašavaju sa maksimalnim veleprodajnim cijenama lijekova u BiH, a sukladno članku 6. Zakona o lijekovima, kao i odredbama ovog pravilnika.

- (4) Cijene lijekova utvrđene Listom lijekova obveznog zdravstvenog osiguranja Federacije Bosne i Hercegovine obvezujuće su i za pozitivne liste lijekova kantona.
- (5) Nije dozvoljeno da nadležna tijela vlasti kantona pregovaraju sa proizvođačima lijekova, odnosno nositeljima odobrenja za stavljanje lijeka u promet, o cijenama lijekova."

Članak 2.

U članku 18. stavak (3) se briše.

Članak 3.

Članak 23. mijenja se i glasi:

"Članak 23.

- (1) Primitljive zahtjeve razmatra Povjerenstvo za stavljanje i skidanje lijekova na liste lijekova u Federaciji BiH (u daljnjem tekstu: Povjerenstvo).
- (2) Povjerenstvo se imenuje na razdoblje od jedne godine, rješenjem federalnog ministra za federalne liste lijekova koje se objavljuju u "Službenim novinama Federacije BiH", a rješenjem kantonalnog ministra za kantonalne liste lijekova koje se objavljuju u službenom glasilu kantona.
- (3) Povjerenstvo ostvaruje pravo na nadoknadu čiju visinu rješenjem određuje nadležni ministar zdravstva iz stavka (2) ovoga članka.
- (4) Povjerenstvo broji maksimalno 9 (devet) članova i čine ga stručnjaci zdravstvene, farmaceutske, ekonomske i pravne struke, te ima i tajnika.
- (5) U sastav Povjerenstva iz stavka (4) ovog članka, obvezno se imenuje doktor medicine specijalista obiteljske medicine, doktor medicine specijalista pedijatar, magistar farmacije specijalista, kao i diplomirani pravnik i diplomirani ekonomista sa iskustvom u oblasti izrade i kreiranja listi lijekova, te izrade propisa u oblasti farmaceutike.
- (6) U sastav Povjerenstva iz stavka (4) ovog članka mogu se angažirati i uposlenici nadležnih ministarstva zdravstva koji ispunjavaju uvjete iz stavka (5) ovog članka.
- (7) Prilikom rješavanja pojedinačnih zahtjeva, uz prethodnu suglasnost nadležnog ministra zdravstva, Povjerenstvo može angažirati specijalistu odgovarajuće grane medicine, za stručnu pomoć kod procjene pojedinačnog zahtjeva, koji ne sudjeluje u donošenju odluke po pojedinačnom zahtjevu, sukladno članku 24. stavak (2) Pravilnika."

Članak 4.

Iza članka 23. dodaje se novi članak 23a. koji glasi:

"Članak 23a.

- (1) U Povjerenstvo se ne mogu imenovati stručnjaci koji su bili vezani za izradu stručnih mišljenja, farmakoterapijskih i farmakoekonomskih studija i drugih stručnih materijala i studija za proizvođače lijekova, odnosno nositelje dozvole za stavljanje lijeka u promet koji podnose zahtjev za uvrštavanje lijeka/ova na listu lijekova, kao ni ravnatelji zavoda zdravstvenog osiguranja.
- (2) Povjerenstvo ima predsjednika i članove Povjerenstva, te tajnika.
- (3) Predsjednik i članovi Povjerenstva dužni su čuvati kao profesionalnu tajnu sve podatke koje saznaju tijekom obnašanja svoje funkcije predsjednika ili člana Povjerenstva, pa i nakon prestanka funkcije.
- (4) Predsjednik i članovi Povjerenstva prije početka rada potpisuju izjavu o čuvanju profesionalne tajne u smislu stavka (3) ovoga članka i istu pohranjuju u nadležnom ministarstvu zdravstva.
- (5) Povjerenstvo je za svoj rad odgovorno nadležnom ministru zdravstva koji je formirao Povjerenstvo u smislu članka 23. stavak (2) ovog pravilnika.

- (6) Povjerenstvo donosi Poslovnik o radu kojim utvrđuje proceduru sazivanja i rada Povjerenstva, kao i način odlučivanja, na koji prethodnu suglasnost daje nadležni ministar zdravstva.
- (7) Administrativne i stručne poslove za Povjerenstvo obavlja stručna služba nadležnog ministarstva zdravstva.
- (8) Odredbe stavka (3) ovoga članka shodno se primjenjuju i na uposlenike stručnih službi nadležnog ministarstva zdravstva koji obavljaju administrativne i stručne poslove za Povjerenstvo."

Članak 5.

Ovaj pravilnik stupa na snagu osmoga dana od dana objave u "Službenim novinama Federacije BiH".

Po ovlaštenju
Vlade Federacije BiH
Premijer
Fadil Novalić, v. r.

Broj 05-02-4998-1/22
30. kolovoza 2022. godine
Sarajevo

FEDERALNA DIREKCIJA ROBNIH REZERVII

1607

Na temelju člana 70. stav 2. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05) i člana 6. stav 3., Pravilnika o postupku dodjele ugovora

RJEŠENJE

O FORMIRANJU KOMISIJE ZA NABAVKU USLUGE SISTEMATSKOG PREGLEDA ZAPOSLENIIH U FEDERALNOJ DIREKCIJI ROBNIH REZERVII PO POSEBNOM REŽIMU ZA USLUGE IZ ANEKSA II. DIO B) ZJN

Imenuje se Komisija za provedbu postupka javne nabavke po posebnom režimu iz Aneksa II. dio B) Zakona o javnim nabavkama sa objavom obavijesti o nabavci na web stranici Federalne direkcije robnih rezervi, za nabavku usluge sistematskog pregleda zaposlenih u Federalnoj direkciji robnih rezervi, u sastavu

- Anida Bašić, predsjednik;
- Nežla Hodžić, član;
- Irma Bajramović, član;

Za sekretara Komisije imenuje se Žaneta Tomić.

Ukoliko imenovani članovi Komisije iz tačke 1. ovog rješenja ne budu u mogućnosti pristupiti radu Komisije za provedbu postupka javne nabavke usluge sistematskog pregleda zaposlenih imenuju se zamjenski članovi komisije u sastavu:

- Ankica Pehar, zamjenski predsjednik;
- Lejla Nikšić, zamjenski član;
- Ermin Pirija, zamjenski član.

Imenovane osobe iz tačke 1. ovog rješenja dužne su postupati u skladu sa odredbama Zakona o javnim nabavkama Bosne i Hercegovine i podzakonskim aktima.

Poslovi Komisije za javne nabavke iz tačke 1. ovog Rješenja su:

- Priprema tenderske dokumentacije;
- Korepondencija sa ponuđačima;
- Dostavljanje tenderske dokumentacije na način propisan za konkretan postupak javne nabavke;
- Priprema pojašnjenja tenderske dokumentacije;
- Provođenje javnih otvaranja ponuda;
- Pregledavanje, ocjena i uspoređivanje ponuda;
- Sačinjava zapisnik o ocjeni ponude;
- Sačinjava izvještaje o postupku javne nabavke;

- Daje preporuku ugovornom organu za donošenje odluke o izboru ili odluke o poništenju postupka javne nabavke;
- Priprema prijedlog odluke u formi i sadržaju propisanom zakonom;
- Priprema odgovore po pravnim lijekovima;
- Drugi poslovi i zadaci vezani za provođenje postupka.

Predsjedavajući i članovi Komisije obavezni su potpisali Izjavu o nepristrasnosti i povjerljivosti u odnosu na ponuđače koja je sastavni dio ovog Rješenja.

Komisija je dužna prije otvaranja pregledati prispsjele ponude i utvrditi da li su kovertе s ponudama zapečaćene i blagovremeno pristigle.

Sekretar Komisije nema pravo glasa. Zadaci Sekretara Komisije su: administrativni poslovi, priprema zapisnika sa sastanka, izvještaji o radu Komisije i prikupljanje dokumentacije, kao i saglasnosti za dodjelu ugovora od direktora Federalne direkcije robnih rezervi i drugi poslovi po zahtjevu predsjednika Komisije.

Članovima Komisije za javne nabavke i sekretaru pripada pravo na naknadu za rad u komisiji u skladu sa članom 9. Uredbe o načinu osnivanja i utvrđivanja visine naknade za rad radnih tijela osnovanih od strane Vlade FBiH i rukovoditelja federalnih organa državne službe ("Službene novine Federacije BiH", br. 48/14, 77/14 i 97/14), koju isplaćuje ugovorni organ za čije je potrebe imenovana komisija, a ukoliko ima dovoljno sredstava koja su namijenjena za naknade komisija.

Ovo rješenje stupa na snagu danom donošenja.

Broj 01-11-9-614-1/22
31. augusta/kolovoza 2022. godine
Sarajevo

Direktor
Tomčo Bavrka, s. r.

(SI-1256/22-F)

1608

Na temelju člana 70. stav 2. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05) i člana 13. Zakona o javnim nabavkama BiH ("Službene novine Federacije BiH", 39/14), direktor Federalne direkcije robnih rezervi donosi

RJEŠENJE

O FORMIRANJU KOMISIJE ZA PROVEDBU OTVORENOG POSTUPKA JAVNE NABAVKE

Imenuje se Komisija za provedbu otvorenog postupka javne nabavke sa objavom obavijesti o nabavci na web stranici Federalne direkcije robnih rezervi, za nabavku radova sanacije skladišta "Matrez" u Visokom, u sastavu:

- Mirela Trnka, predsjednik;
- Ermin Pirija, član;
- Inela Salkić-Golić, član
- Irma Bajramović, član
- Benina Muratović, član

Za sekretara Komisije imenuje se Žaneta Tomić - viši referent - operater.

Ukoliko imenovani članovi Komisije ne budu u mogućnosti pristupiti radu Komisije za provedbu postupka javne nabavke sanacije skladišta "Matrez" u Visokom, imenuju se zamjenski članovi komisije u sastavu:

- Ankica Pehar;
- Lejla Nikšić;
- Anida Bašić;

Članovi komisije dužni su postupati u skladu sa odredbama Zakona o javnim nabavkama Bosne i Hercegovine i podzakonskim aktima.